

कोरिन्थला वोतुप तेपा कितुपतिवाला पावलकी टिवु यिकी डियवा

दी थेपकी कोर्ला

दी थेप ति पावलकी खोरो राड गो चुवु कोरिन्थीकी चर्चला टिवु यिकी डियवा यिन। दी यिकी टिकुप पेला पावल ताड खोरो चर्चकी मीतिवी पर्ला तम्जी ल्यामु मिन्दुक। च्यिलासिसिन चर्चकी मीतिवा ललाइकी पावलला छासे मारे ताङ्गनोक। यिन्सिनाड पावलकी तिवी मुला डिकुप छासे नो क्यानोक। ती नो क्यावु ति तेरी च्युडिसन पावलला छासे गा गिवी।

दी यिकीकी थल्माला पावलकी खुरुड ताड खोरो चर्चकी पर्ला वोतुप तम्जीकी कोर्ला टिनी वे। चर्चकी मीतिवी खुरुडला डोशी मारे तङ्गुप ताड खोरो तेन्दोकला लावु ताम्डेकी कोर्ला डार क्यानी सिक्या वे। तीकी जोसालेन्सिन चर्चकी मीतिवा सेम ग्युर्नी खोरो मुला थिन वासिमा पावल गा लानोक। ती ज्युक्ला पावलकी यहूदियाला वोतुप पेराङ्बु ख्रीष्टियानतिवी थोक्ला सेम्बा सेमगी दाल्जा किटे कितुप सिनी चर्चकी मीतिवाला गोङ्बा शुनोक। तिङ्मी लोप्च्येनतिवाला ल्हासिन पावलकी खुरुड वुतुड ख्रीष्टकी लोमा छ्ये यिन सिनी दप्शे ग्यम वे। च्यिलासिसिन कोरिन्थीकी यम्बा मी ललाइकी पावल ति वुतुड के येशूकी लोमा छ्ये मिन, यिने ती ति लोमा मेटेङ्बु यिन सिनी क्यान ग्यकिनोक।

मुला राड वोतुप लोप्येनतिवा

- पावलकी डोशी १:१-११
- पावल ताड कोरिन्थकी चर्च १:१२-७:१६
- यहूदियाला वोतुप स्त्रीष्टियानतिवी थोकला बुल्वा ८:१-६:१५
- पावलकी खुरुड वुतुड के लोमा छ्ये यिन सिनी सिक्यावु १०:१-१३:१०
- यिकी टि सिन्दा क्यावु १३:११-१३

१ टसी देलेक! दी यिकी ति कोन्छ्योककी नोवा नेमा ख्रीष्ट येशूकी लोमा छ्ये च्युङ्गुप ड पावल ताड दाक्पी नुप तिमोथी नेसुर कोरिन्थीला वोतुप कोन्छ्योककी चर्चकी मीतिवा ताड अखैया लुङ्बाला वोतुप तेरी कोन्छ्योकला तेपा कितुप मीतिवाला टिवु यिनो। २दाक्पी पपा कोन्छ्योक ताड चोवो येशू ख्रीष्टकी ख्यिराडला कटिन ताड लोदिमु नङ्गिशाता।

डाडेड नङ्गुप कोन्छ्योक

३दाक्पी चोवो येशू ख्रीष्टकी पपा कोन्छ्योकला सोवा वुङ्गुशी। खो ति च्यम्बा ताड टोङ्गु तेरी नङ्गुप कोन्छ्योक यिन। ४खोकी ड्यिराडला तेरी परकी दुक्पा ख्येलुप पेला टोङ्गु नङ्गिगी। तुक क्यानी ड्यिरा साड खोकी नङ्गुप टोङ्गु नेमा मी ललाइला दुक्पा ख्येल्लिसन तिवाला टोङ्गु तेर थुप्किवी। ५चुक क्यानी ख्रीष्टकी थोक्ला ड्यिरा छेटाड बडी खुर्किवे, तुक राड क्यानी ख्रीष्ट नेमा कोन्छ्योककी ड्यिराडला छासे क्यानी टोङ्गु नङ्गिगी। ६ड्यिराडला दुक्पा ड्येतुप ति ख्यिराडला टोङ्गु ताड थर्वा ड्येतुपला यिन। ड्यिराडला टोङ्गु ड्येतुप ति ख्यिराडला साड टोङ्गु ड्येतुपला यिन। तमा ती टोङ्गु नेसुर राड ड्यिरा दोके ख्यिरा साड दुक्पा खुरुप ताड हम क्यानी दे थुप्किवी। ७तुक क्यानी ड्यिरा

ख्यिराडला रेवा क्यावु ति नाम्साड मोयोम्बी। ड्यिराडला छ्या वे, ड्यिरा खुरुप दोके दुक्पा ख्यिरा साड खुर्वे। ड्यिराडला ड्येतुप दोके टोङ्गु ति ख्यिराडला साड ड्येकिवी।

८अच्युनुपतिवा, ड्यिरा एशिया लुङ्बाला दुक्पा खुरुप ति ख्यिराडला ल्यामु क्यानी हाक्कोशी सिरुप नोवा वे। ते ड्यिराडला छासे दुक्पा ड्येतुप तप्की सेन्बु लुकिते सिरुप रेवा साड मेतुप्जा। ९वुतुड के ड्यिरा याड त शेष पेला लेप्सुड सिनी नो क्यायी। यिने ती ति ड्यिरा खुरुडला राड रेवा क्यावु मिन, शेषतिवाला सेन्बु लोङ्गुप कोन्छ्योकला तिराड रेवा कि थुप्शी सिनी तुकै च्युङ्गुप यिन। १०खोकी ड्यिराडला तुका शेष ने ज्होक नाङ्गुसुड। तमा तन्दा साड ज्होक नङ्गिगी। तुक क्यानी येलुड ज्युक्ला ड्यिराडला ज्होक नङ्गुप खोला ड्यिरा तेरी रेवा क्या वे। ११तीकी थोक्ला ख्यिरा ड्यिराडला मोपोर क्यानी दाल्जा किटे किसा। तुक क्यासिन ख्यिराड बडीकी क्यावु मोपोर नेसुर कोन्छ्योककी ड्यिराडला मोलाम नङ्गुप तप्की मी बडीकी कोन्छ्योकला थुचिछे बुल्गिगी।

पावलकी कोरिन्थला डोप नोवा पोवु

१२ड्यिराड दी ताम्डेला तेके किवी, तमा ड सेम टेङ्बुकी पङ्बु तेरिन।

दी जम्बुलिडला देनी क्यावु डियरा किताड नालु ताड खक्छ्येवुला ख्यिरा मुकी तम्जीला ताम्डे जिनोक माजोनी कोन्छ्योक नेमा वावु टेड्बुला क्यावु यिन। डियरा तुक क्यावु ति जम्बुलिडकी रिक्पा नेमा वावु मिन, कोन्छ्योककी कटिन नेमा वावु यिन। ^{१३}डियराड ख्यिराडला लोप थुपुप ताम्डे ताड हाक्को थुपुप ताम्डे तिराड टिकिन। तन्दा डियरा ख्यिराडला लापुप ति ख्यिरा चेयी तिराड हाक्को वे, ^{१४}यिने तिड्ला ति ख्यिरा तेरी हाक्को थुप्किवी सिनी ड रेवा कितिन। तुक क्यानी दाक्पी चोवो येशू फेवु तुजेला डियरा ख्यिरा थोक्ला तेके क्यावु दोके ख्यिरा डियरा थोक्ला तेके किवितो।

^{१५}ती ताम्डे ति डला तेन्तेन वोतुप तप्की गोमाला डे ख्यिराडला ठेतुपला वुड्गुप नो क्यायी। तुक क्यासिन ड ख्यिरा ते थेड्मा ड्यी वासिमा ख्यिराडला लोदिमु च्युडिगवी। ^{१६}ड माकेडोनिया डोप पेला ख्यिराडला ठेनी डोप, तमा माकेडोनिया नेसुर लोकुप पेला साड ख्यिराडला ठेतुप नो क्यायी। तमा तेसुर ड यहूदियाला डोप पेला ख्यिरा डला दाल्जा किटे किवी सिनी नो क्यायी। ^{१७}काड डे नासाम मातड्वा क्यानी ख्यिरा ते वुड्गुप पोवु यिन सिनी ख्यिरा नासाम तड्गुप? काड ड जम्बुलिडकी

मीतिवी दोके मीला गा लोड्गुपला पर्साला “ड गिवी।”, पर्साला “ड मेवी।” सिनी रडगी थोक्ला तिराड नासाम तड्नी सिक्पावु यिन रो? ^{१८}कोन्छ्योक ति खोड्तेर्मु वे। तुक क्यानी ड साड पर्साला “गिवी”, पर्साला “मेवी” सिनी थाक मेछ्येवी। ^{१९}च्यिलासिसिन सिलास ताड तिमोथी ताड डे ख्यिराडला ख्याप्ताक क्यावु कोन्छ्योककी सेवु येशू ख्रीष्ट साड पर्साला “यिन”, पर्साला “मिन” सिनी ताम्डे ड्यी कितुप मिन। यिने खो ति नरी “यिन” सिरुप तिराड वे। ^{२०}कोन्छ्योककी थाक्छ्येन नड्गुप सुडतिवा तेरी ख्रीष्टकी ओडला च्युडिगवी। तुक क्यानी कोन्छ्योककी मोवाकी थोक्ला ख्रीष्ट नेमा दाक्पी “आमिन” सिनी सिवी।[†] ^{२१}कोन्छ्योककी राड डियराड ताड ख्यिराडला ख्रीष्टकी मुला तम्जी रम्बु जो नड वे। तमा खोकी राड दाक्पुला पेनी ^{२२}दाक्पुला खोरे ति यिन सिनी त ग्यम वे। तमा दाक्पुला थाक्छ्येतुपकी थोक्ला दाक्पी सेमला खोकी थु चाड्मा नड्नी वे।

^{२३}डे सेम हाक्कोवु कोन्छ्योक पड्बु वे। डे ख्यिराडला वोरु तेन्नी ख्यिराडला कले मेख्येल्शी सिनी राड ड कोरिन्थला माडुवु यिन। ^{२४}डियरा ख्यिराडला चुक क्यानी तेपा कि गोकिवी सिनी ओड्ज्येन कितुपला

१:२० आमिनकी तेन्दोक ति “वुतुड के यिन” सिनी सिक्पावु यिन।

कार क्यावु मिन, यिने ख्यिराडला गा लोङ्गुपला राड ड्यिराड ख्यिरा मुला लाका कितिने। च्यिलासिसिन ख्यिराड याड येशूला तेपा रम्बु वे।

२ तुक क्यानी डे ख्यिराडला वोरु तेन्नी ख्यिरा सेम मेलोकपा मोडोशी सिनी राड ड ख्यिरा ते येलुड मेङ्गुप तेन्तेन क्यायी। ३ च्यिलासिसिन डे ख्यिराडला सेम्दुक लाडिसन ती डे सेम्दुक लङ्गुप मी तीकी मिसिन यम्बा सी डला गा लोड थुष्किवी रो? ३ गोमाला डे ख्यिराडला ती यिकी टिवु ति ड ख्यिरा ते वुङ्गुप पेला डला गा लोङ्गुप मीतिवी राड डला सेम्दुक मोलोङ्गुशी सिनी यिन। च्यिलासिसिन डला सेम गा लङ्गुप ति ख्यिराड तेरीला सेम गा लङ्गुप यिन सिरुप ति डला तेन्तेन वे। ४ डे छासे दुक्पा क्यानी सेमला दुडल खुरिन ताड मिकला मिकच्युर तोडियन सिरा ख्यिरा थोक्ला ती यिकी ति टियिन। ती ति ख्यिराडला सेम्दुक लोङ्गुपला टिवु मिन, यिने ख्यिराडला डे छासे ड्यिङ्गुज्ये क्यावु ति हाक्कोशी सिनी टिवु यिन।

दिक्छेनतिवाला दिक्पा पङ्गुपकी कोर्ला

५ त येलुड मी ललाइकी यम्बाला सेम्दुक लडिसन ती सेम्दुक लङ्गुप ति डे थोक्ला बडी सेम्दुक लङ्गुप मिन, यिने ख्यिरा पर्ला मी ललाइतिवाला साड सेम्दुक लङ्गुप यिन। दी ताम्डे

ति ख्यिराडला कोक्पु मोजोवुला डे चेयी तिराड सिक्पावु यिन। ६ ख्यिरा पर्ला मी माङ्शोक नेसुर तुका मीला याड चुका परकी छ्येर्पा कल्सिनाड ग्यावा यिन। ७ त याड ख्यिरा तीला माफ बिन्नी टोङ्गु तेर गोकिवी। मिसियाड ती मी ति छासे सेम्दुक लानी तेपा कितुप साड क्यानी ज्योक थुष्किवी। ८ तुक क्यानी ख्यिरा तीला छासे क्यानी ड्यिङ्गुज्ये कितुप ति छ्या तेन सिनी ड ख्यिराडला ठाकुरे सिरिन। ९ डे सिक्पावु ति ड्येन्गिबे मेङ्गुयेन्वे ल्हापला ताड ख्यिराड खला ड्येमु वोतुप मेतुप हाक्कोवुला राड डे ती यिकी ति ख्यिराडला टिवु यिनो। १० ख्यिरा सुला माफ तेर्किवे, ड साड तीला माफ तेरिनो। दोजो डे ललाइला काड रे च्यिक रे ताम्डेला माफ बिन्सिन ती ति ख्रीष्टकी थोड्दाडला ख्यिरा थोक्ला डे माफ बिन्दुप यिन। ११ तुक क्यावु तेन्दोक ति शेतानकी दाक्पुला च्यु छोल मुथुप्शी सिनी यिन। च्यिलासिसिन तीकी खोनक्पु वोतुप च्युतिवा दाक्पुला तेरी छ्या वे।

ख्रीष्टकी टी जङ्बु

१२ ड ख्रीष्टकी कोर्ला लेन ल्यामु ख्याप्टाक कितुपला त्रोआसला वुङ्गुप पेला चोवोकी डला खोकी थोक्ला शब्ज्यी कितुप लाम पेन नाङ्सुड। १३ यिने डे मुला लाका कितुप नुप तीतसला ते माठेसिमा डला लोदिमु माच्युड। तुक क्यानी ते वोतुप

मीतिवी मु नेसुर क्येनी माकेडोनियाला गलिन।

१४ यिने कोन्छ्योकला थुचिछे, च्यिलासिसिन खोकी डियराडला शैतानकी खला ओड्ज्येन कितुपला नरी ख्रीष्ट नेसुर गोमा किवी। तमा खोकी ख्रीष्टकी कोर्ला वोतुप रिक्पा ति छो ज्यीला फेल ज्यितुपला डियराडला दाल्जा किवी। ती रिक्पा ति टी जड्बु खाप यिन। १५ च्यिलासिसिन डियराड याड तेपा क्यानी दिक्पा ने थरुपतिवा ताड तेपा माक्यानी ना डोपतिवा तेरीकी पर्ला कोन्छ्योकला पुलुप ख्रीष्टकी टी जड्बु दोके यिन। १६ ती टी जड्बु ति ना डोपतिवी थोक्ला नरीकी नरी शेष तेन्दोक यिन, दिक्पा ने थरुपतिवी थोक्ला मिजी थोपुप तेन्दोक यिन। तमा तुका लाका ग्येर्पु कितुप ति सु वे रो? १७ मी यम्बी दोके डियरा ति कोन्छ्योककी सुडला ख्येमु वोतुप च्यालक छोड कितुप मी दोके मिन। बोरु डियराड याड कोन्छ्योककी तड्गुप तप्की खोकी थोड्दाडला ख्रीष्टकी थोक्ला ताम्डे टेड्बु तिराड सिवी।

ठिम सम्बाकी कोर्ला

३ माड्शोक मी ललाइकी खुरुड ति लाका ल्यामु कितुप मी यिन सिनी मी यम्बी टिवु यिकी खुर्नी गिवी, यिने डियराड ख्यिरा ते वुड्गुप पेला तुका यिकी खुर वुड मोगोवी, याड्ना डियराड दासा यम्बाला डोप पेला

ख्यिरा डियराडला तुका यिकी जो मोगोवी। २ ख्यिराड ति डियरा थोक्ला तेरीकी हाक्कोवु ताड लोप थुपुपला टिवु यिकी यिनो। ती यिकी ति डियरा सेमला राड टिनी वोतो। ३ वुतुड के ख्यिराड ति ख्रीष्टकी टिवु यिकी यिन। ती यिकी क्योलुप ति डियराड राड यिन। ती यिकी ति नक्ची थ्वोनी टिवु मिन, डोसु वोतुप कोन्छ्योककी थु चाड्माकी टिवु यिन। दे येम्ज्येला टिवु मिन, मी सेमला टिवु यिनो।

४ ख्रीष्ट नेसुर कोन्छ्योककी थोड्दाडला तेन्तेन वोतुप तप्की डियराड दी ताम्डे ति सिरिन। ५ चुका लाका साड डियरा राड क्यावु यिन सिनी सि मुथुपी। डियराडला लाका कितुप डार ति कोन्छ्योक नेमा राड ड्येतुप यिन। ६ खोकी डियराडला खो ताड डियरा पर्ला थाक्छ्येवु ठिम सम्बाकी थोक्ला शब्ज्यी कितुप डार नाड्सुड। दी थाक्छ्येवु ठिम सम्बा ति यिकीला टिवु मिन, कोन्छ्योककी थु चाड्माकी टिवु यिन। यिकीला टिवु ठिमकी मीला शि ज्यिकिवी, यिने कोन्छ्योककी थु चाड्माकी याड मिजी नडिगवी।

ठिम सम्बाकी मोवा

७ कोन्छ्योककी मोशाला दे येम्ज्येला टिवु ठिम नड्गुप पेला खोकी मोवा नेमा वुड्गुप वोसिर ति मोशाकी डुतुडला ठछ्येली गाल्सुड। ती तप्की ती ठछ्येली ति चेयी पर सेक तिराड

देनी गलुप यिन्सिनाड इस्राएलकी मीतिवी मोशाकी डुतुडला ल्ह ल्हावा दे माथुप। तुक क्यानी मीला शि ज्यितुप ठिम डियड्बाकी शब्ज्यी कितुप लाकाला साड तुका वोसिर वोसिन, ९मिजी थोपुप कोन्छ्योककी थु चाड्माकी शब्ज्यी कितुप लाकाला याड मड चोके वोसिर वोते? ९दोजो मीला क्याने तरुप शब्ज्यीकी लाकाला साड तुका वोसिर वोसिन मीला टेड्बु जोप शब्ज्यी कितुप लाकाला याड मड चोके वोसिर ग्यकुप वोते। १०ती ताम्डे ति नासाम ताडिसन तसाम वावु ठिमकी वोसिर ति छासे सल्लु वोतुप तप्की गोमी ठिमकी वोसिर ति तोर्नी गाल। ११चेयी पर सेक तिराड लुवु ठिमला साड तुका वोसिर वोसिन नरीकी नरी लुवु ठिमला याड मड चोके वोसिर ग्यकुप वोते।

१२तुक क्यानी डियराडला तुका रेवा वोतुप तप्की डियराड छासे डाडेड कितुप गल वे। १३मोशाकी याड खोरो डुतुडला वोसिर ड्युड्मु गलुप ति इस्राएलकी मीतिवी मोथोड्शी सिनी खयिटो गुरुर ग्यप्सुड। डियराड ति मोशाकी दोके लाका मिकिवी। १४ती पेला नेज्युनी इस्राएलकी मीतिवी सेम ति तन्दा सेक साड क्योड्बु राड गल वे। च्यिलासिसिन तसाम सेक साड मोशाकी ठिम लाप्सिन तिवी सेम ति गुरुर ग्यपुप दोके राड वे। ती गुरुर

ति ख्रीष्टला तेपा क्यासिन तिराड पे थुप्किवी। १५वुतुड के मोशाकी ठिम लाप्सिन तसाम सेक साड तिवी सेम ति गुरुर ग्यपुप दोके राड गिवी। १६यिने कोन्छ्योककी मोशाला सुड्गुप दोके “चोवो कोन्छ्योककी थाकाला ग्युरुप पेला ती गुरुर ग्यपुप ति पेकिवी।” * १७चोवो कोन्छ्योक ति थु चाड्मा यिन। कनी कोन्छ्योककी थु चाड्मा नोके, ते रड्ज्येन थोप्किवी। १८तमा दाक्पु तेरीकी गुरुर पेतुप डुतुडला चोवो कोन्छ्योककी वोसिर ति ठछ्येली थोड्गिवी। खो नेसुर वुड्गुप वोसिरकी दाक्पुला खो दोके जोनी मड मड वोसिर ग्यकुप जो नड्गिवी। ती तेरी चोवो कोन्छ्योककी थु चाड्माकी क्यावु यिन।

थली नेक्योक नड्गी नोर

४ तुक क्यानी कोन्छ्योककी डियराडला च्यम्बा क्यानी खोला शब्ज्यी कितुप ती लाका नड्गुप तप्की डियराड यिछ्येता कि मोगोवी। २डियराड तेरी परकी छ्याकला वोतुप ताड डोछा लड्गुप लाका मेलोवातिवा नाम्साड मिकिवी। तमा जिनोक जोप ताड कोन्छ्योककी सुड ति कुतुक जोप साड मिकिवी। यिने टेड्बु वोतुप सुड तिराड ख्याप्टाक क्यानी कोन्छ्योककी थोड्दाडला तेरी मीतिवी सेमला

डियराड टेड्बु यिन सिरुप तेन्तेन किवी। ३डियरा ख्याप्टाक क्यावु लेन ल्यामु ति बानी ज्याक्सिन ती ति ना गल्नी पचर्या ख्येलुपतिवी थोकला तिराड यिन। ४दी जम्बुलिडकी लहलु यिन्दुप शैतानकी येशूला तेपा मिकिवु मीतिवी सेम ति क्योड्बु जोवु तप्की तिवी कोन्छ्योककी जुजमला फेवु ख्रीष्टकी मोवा यिन्दुप लेन ल्यामुकी वोसिर सल्लु ति थोड मुथुपी। ५डियराड रडगी कोर्ला ख्याप्टाक मिकिवी, यिने येशू ख्रीष्ट तिराड चोवो यिन सिरुप ताड डियराड ति येशूकी थोकला शब्ज्यी कितुप ख्यिरा योक्पु यिन सिनी ख्याप्टाक किवी। ६“नक्तोमीला ठछ्येली डोशी।”* सिनी सुड्गुप कोन्छ्योककी दाक्पी सेमला खोकी वोसिर ति ग्यक च्यिन वे। तमा ती वोसिरकी दाक्पुला येशू ख्रीष्टकी शालला वोतुप कोन्छ्योककी मोवा हाक्को ज्यिकिवी।

७यिने डियरा ख्याप्टाक क्यावु खक्छ्येवु लेन ल्यामु ति छ्यकुप थली नेक्योक नाड्ला ज्याड वे। तीकी तेन्दोक ति तेरी सिनाड ओड्ज्येन छ्ये ति डियरा नेसुर वावु मिन, कोन्छ्योक नेमा वावु यिन सिनी छ्या देन्दुपला यिन। ८डियराड नरी छो ज्यिकर नेसुर ड्यप्च्येला ख्येल वोसिनाड थल्दुकला मागल वे।

यर्मिन मर्मिन गल्सिनाड यिमाछ्ये वे। ९मीतिवी डियराडला छेटाड बिन्सिनाड कोन्छ्योककी डियराडला क्यायुर्नी माज्याक वे। मीतिवी डियराडला पोप्नी तला ग्यप्सिनाड डियराड येलुड लानी वे। १०येशूकी मिजी ति डियरा मिजीला साड वोतुप छ्या देन्दुपला डियराड डियमी टेड रडगी जुला खोकी थोकला शिराड गोसिनाड दुक्पा खुर्किवी। ११वुतुड के डियरा दी शिनी डोप मिजीला येशूकी मिजी थोड्शी सिनी डियराड माशिवा सेक नरी खोकी थोकला शेपला ख्येल्लिगीवी। १२तुक क्यानी डियरा मिजीला ति शेपकी लाका किवी, यिने ख्यिराडला ति सेन्बु वोतुप मिजीकी लाका किवी।

१३कोन्छ्योककी सुड्ला “डे तेपा क्यायी, तुक क्यानी ड लपिन।,” सिरुप तीला कोन्छ्योककी थु चाड्मा वोतुप दोके डियराडला साड ती थु चाड्मा वे।* तुक क्यानी डियराड साड कोन्छ्योकला तेपा क्यानी ती ताम्डे लप्किवी। १४डियराडला छ्या वे, चोवो येशूला शेप ने डोसु लोड्गुप कोन्छ्योककी डियराडला साड खो ताड मुला सेन्बु लोड्गिगीवी। तमा ख्यिराड ताड डियराड तेरी मुला राड खोकी चाला टिनी फेप्किवी। १५दी तेरी ताम्डेतिवा ख्यिरा थोकला राड च्युड्गुप यिन। तुक क्यानी

कोन्छ्योककी कटिन ति मी बडीला इयेकिवी, तमा तिवी कोन्छ्योकला थुचिछे पुलनी मड खोला मोवा किवी।

१६ तुक क्यानी डियराड नाम्साड यिछ्येता मिकिवी। डियरा जु ति काड कि मुथुवु गल्सिनाड डियरा सेम ति मड मड रम्बु डोयी वे। १७ तन्दा दाक्पी उकुर च्यिक चेयी दुक्पा खुर्सिमा ज्युक्ला नरीकी नरी लुवु कोन्छ्योककी मोवाकी कोर्ला नासाम ताडिसन दी दुक्पातिवा वुतुड के काड साड मिन। १८ तुक क्यानी दाक्पु तन्दा मिककी थोङ्गुप च्यालकतिवाला मिन, यिने मिककी मोथोङ्गुप ज्युककी च्यालकतिवाला इयम्ले किवी। च्यिलासिसिन मिककी थोङ्गुप च्यालकतिवा चेयी पर सेक तिराड यिन, यिने मिककी मोथोङ्गुप च्यालकतिवा ति नरीकी नरी थोक्ला यिन।

देवाच्येनला थोपुप जु सम्बाकी कोर्ला

५ दाक्पुला छ्या वे, दाक्पी जु ति ती जम्बुलिडला देतुपला ग्यावु कुर दोके यिन। दी ति ना डिवी, यिने कोन्छ्योककी दाक्पुला जु सम्बा नङ्नी वे। ती ति देवाच्येनला नरीकी नरी देतुप खाड्बा यिन। ती खाड्बा ति मी लाक्पी जोवु मिन। २ वुतुड के दाक्पु दी जम्बुलिडला वोतुप पेला इयेन्बी सोक तोङ्गिगी, च्यिलासिसिन दाक्पु ति देवाच्येनकी

जु सम्बा इयेतुपला छासे नो किवी। ३ तुक क्यासिन ते लेप्सिमा दाक्पुला जु सम्बा इयेनी पेटुङ्गुप मुलुवी। ४ दाक्पु दी जम्बुलिडकी खाड्बाला मिजी क्योङ्गुप पेला पप क्यानी इयेन्बी सोक तोङ्गिगी। ती ति जम्बुलिडकी जु ति क्युनी ज्योकुपला मिन, देवाच्येनकी जु इयेतुपला यिन। तुक क्यासिन दाक्पी शिनी डोप जु ति नाम्साड मिशिवु जु सम्बाला फोकिवी। ५ दी तेरी दाक्पी थोक्ला टडिक क्या नङ्गुप ति कोन्छ्योक राड यिन। ती थाक्छ्येतुपकी थोक्ला खोकी दाक्पुला थु चाड्मा नङ्नी वे।

६ तुक क्यानी दाक्पु डार क्यानी दी जम्बुलिडला जुला वोता सेक चोवो येशू ताड मुला कुतुक देतुप यिन सिरुप ति छ्या वे। ७ चोवो येशूला दाक्पी मिककी माथोङ्गिसनाड खो दाक्पी मुला नरी ज्युकिवी। ८ वुतुड के दाक्पु डार क्यानी दाक्पी जु ति क्युर ज्याक्नी चोवो येशूकी मुला देवाच्येनला देतुपला छासे गा लानी वे। ९ तुक क्यानी दाक्पु दी जुला देसिनाड दी जु क्युर ज्याक्नी देसिनाड चोवो येशूला तिराड गा लोङ्गुप नोवा वे। १० च्यिलासिसिन दाक्पु रे रेला ख्रीष्टकी ठिम क्या नङ्गिगी। ती पेला दाक्पु खोकी चिप्ला लड गोकिवी। तमा दाक्पु दाक्पी दी जम्बुलिडला जुला वोतुप पेला ल्यामु मेलोवा काड क्यावे, तुकै राड खोकी ठिम किवी।

कोन्छ्योक ताड मुला तम्जी ल्यामु जोवु

११ चोवो कोन्छ्योकला दाक्पी ज्यिवा कि गोकिवी सिरुप ति हाक्कोवु तप्की डियराड मी यम्बाला साड टोङ्गु तेर्किवी। कोन्छ्योककी डियराडला ल्यामो क्यानी डो शेकिवी, तमा ख्यिरा दोङ्गला डियराड चुकै वे सिरुप ति ख्यिरा सेमला साड ठछ्येली छ्या वे सिरुप ति डला रेवा वे। १२ डियरा येलुड रडगी थोक्ला तिराड तेके कितुप छलुप मिन, बोरु ख्यिराडला डियरा कोर्ला तेके कितुपला तुजे बिन वे। तुक क्यासिन ख तिराड ड राड यिन सिनी सेम ति मेलोकपा वोतुप मीतिवाला ख्यिरा टिलेन तेर थुप्किवी। १३ दोजो डियराड ड्येन्बु यिन्सिन ती ति कोन्छ्योककी थोक्ला राड ड्येन्बु वोतुप यिन, डियरा सेम थिला वोसिन ख्यिरा थोक्ला राड सेम थिला वोतुप यिन। १४ डियराड याड ख्रीष्टकी डियड्येकी ओडला राड वे। तुक क्यानी डियराड दी ताम्डे ति तेन्तेन वोतुप हाक्कोकिवी। मी तेरीकी दिक्पी थोक्ला ख्रीष्ट टुङ्सुड। ती तप्की मी तेरी खोकी मुला राड शेष यिन। १५ खो दाक्पु तेरीकी थोक्ला टुङ्सुड। तुक क्यानी सेन्बु लुवुतिवी रडगी थोक्ला तिराड मिन, तेरीकी थोक्ला टुङ्नी डोसु लङ्गुप खोकी थोक्ला मिजी क्योड गोकिवी।

१६ तफेन्ला डियराड सुला साड जम्बुलिडकी मीतिवी मीला ल्हावु दोके क्यानी मल्हावी। थेङ्मा यी डियरा साड ख्रीष्टला तुक राड क्यानी ल्हावु यिन, यिने त याड तुक क्यानी मल्हावी। १७ तुक क्यानी सी ख्रीष्टला तेपा क्यावे, ती ति मिजी सम्बा फोवु यिन। गोमी मिजी ति तोर्नी गाल्सुड। ल्होसा, त याड मिजी सम्बा च्युड वे। १८ दी तेरी क्या नङ्गुप ति कोन्छ्योक राड यिन। खोकी दाक्पुला ख्रीष्ट नेसुर खो ताड मुला तम्जी ल्यामु जो नाङ्सुड। तमा यम्बातिवाला साड खोकी मुला तम्जी ल्यामु जोप लाका ति डियराडला नाङ्सुड। १९ तीकी तेन्दोक ति येशू ख्रीष्ट नेसुर राड कोन्छ्योककी तेरी मीतिवाला येलुड खोकी मुला तम्जी ल्यामु जोवु यिन। तमा मीतिवी क्यावु दुक्चे क्यानेकी लाकातिवाला खोकी काड साड छ्येर्पा माबिन्नी खोरे मुला तम्जी ल्यामु जोपला ख्याप्ताक कितुप लाका ति डियराडला चेक तेन नाङ्सुड। २० तुक क्यानी कोन्छ्योककी डियराडला ख्रीष्टकी थोक्ला ख्याप्ताक कितुपला तङ्गुप यिन। डियरा ख्याप्ताक क्यावु सुड ड्येन सिनी खोकी ख्यिराडला ठाकुरे सिनी सुङ्गिगी। डियराड ख्रीष्टकी छ्योक नेसुर ख्यिराडला सिरिन, ख्यिराड कोन्छ्योककी मुला तम्जी ल्यामु जो। २१ ख्रीष्टला दिक्पा मे, यिन्सिनाड कोन्छ्योककी दाक्पी क्यावु दिक्पी थोक्ला खोला पचर्चा

नाइसुड। तुक क्यानी खीष्ट नेसुर दाक्पु ति खोकी थोड्दाडला टेड्बु च्युड्सुड।

६ डियरा कोन्छ्योककी थोकला मुला राड लाका क्यावु तप्की ख्यिराडला ठाकुरे सिरिन, खोकी ख्यिराडला नङ्गुप कटिन ति तेर्मला डो माज्यी। २खोकी सुडला

“ख्युरुडला डे कटिन गोवु पेला ख्योरो डला रेन्दुप ति डे थोसुड।

तमा थरुप तुजेला डे ख्युरुडला दाल्जा किटे क्यायी।”*

सिनी सुड्सुड।

लहोसा, ती कोन्छ्योककी कटिन ड्येतुप तुजे ताड दिक्पा ने थरुप डियमा ति तन्दा राड यिनो।

पावलकी छेटाडकी कोर्ला

३डियरा क्यावु लाकाला सी साड क्येन माग्यक्शी सिनी डियराड सुला साड येसूला तेपा कितुप थोकला नर्तुक ग्यकुप लाका मिकिवी। ४बोरु चुका लाका कितुप पेला साड डियराड ति कोन्छ्योकला शब्ज्यी कितुप मीतिवा यिन्दुप छ्या देन्दुपला छेटाडला ख्येल्सिनाड, दुक्पाला ख्येल्सिनाड, कले ख्येल्सिनाड, ५मीतिवी दुसिनाड, चोन्खाडला उप्सिनाड, मीतिवा डियरा तेन्दोकला लानी हराड हरुड

क्यासिनाड, छासे लाका हुर्ताक कि गोसिनाड, डियलोकुप माड्येसिनाड, ल्होतुड्बा दे गोसिनाड, ६डियराड टेड्बु ताड कोन्छ्योककी नङ्गुप रिक्पा ताड हम क्या देतुप ताड च्यम्बा ताड कोन्छ्योककी थु चाड्मा नेमा वावु ओड ताड डियड्ज्ये टेड्बु ताड ७सुड टेड्बु तेरुप ताड कोन्छ्योककी नङ्गुप डारला ती लाका तेरी किवी। सु ताड मुला थमु ग्यक गोसिनाड डियरा टेड्बु वोतुप लक्चेयाँ थवोनी ८मीतिवी डियराडला ताड्देन क्यासिनाड माक्यासिनाड, ताम्डे ल्यामु क्यासिनाड मेलोकपा क्यासिनाड डियराड ती लाका तेरी किवी। डियराड ति मीला केन्दुप मी दोके च्युडिगवी, यिन्सिनाड डियराड टेड्बु वे। ६डियराड ति डो मेशेवु दोके वोसिनाड मी तेरीकी डो शेवु च्युड वे। शितु छ्येनी वोसिनाड सेन्बु लुनी वे। छ्येपां खुर्सिनाड माशी वे। १०सेम्दुक लासिनाड नरी गा लानी वे। पेराड्बु वोसिनाड मी बडीला छ्युकुपु जो थुपुप वे। काड मेतुप दोके वोसिनाड तेरी वोतुप दोके वे।

११कोरिन्थला वोतुप अच्युनुपतिवा, डियरा ख्यिराडला दी ताम्डे ति वुतुड के टेड्बु सिक्पावु यिन। डियराड ख्यिराडला सेमगी दिड नेज्युनी डियड्ज्ये किवी। १२डियरा ख्यिराडला

६:७ ती टेड्बु वोतुप लक्चेकी तेन्दोक ति डियरा टेड्बु वोतुप मिजी यिन।

६:२ यशैया ४६:८

डियङ्ज्ये कितुप क्युनी माज्याक वे,
बोरु ख्यिरा के डियराडला डियङ्ज्ये
अला मिकिनोक। १३त ड ख्यिराडला
डरा पेजातिवाला सिक्यावु दोके
क्यानी सिरिन, डियरा ख्यिराडला
डियङ्ज्ये क्यावु दोके ख्यिरा साड
डियराडला डियङ्ज्ये की।

तेपा मिकिवुतिवी दला माशुक

१४येशूला तेपा मिकिवु मीतिवी
दला शुनी तिवी मुला राड लाका
माकी। कोन्छ्योककी थोड्दाडला
टेड्बु वोतुपतिवा ताड दिक्पाकी
ओडला युक्पु मीतिवा चुक क्यानी
तम्जी ल्यामु वुड थुक्किवी रो? याड्ना
नक्तोमीकी मुला ठछ्येली ति चुक
क्यानी डिक्जोम किवी रो? १५काड
ख्रीष्ट ताड शैतान† साड थिन
थुक्किवी रो? याड्ना तेपा कितुपतिवा
ताड तेपा मिकिवुतिवा च्यिक्पा राड
यिन रो? १६कोन्छ्योककी थु चाड्मा
ज्युवु ल्हडाड ताड कुतिवी ति काड
तम्जी वे रो? च्यिलासिसिन दाक्पु
ति डोसु वोतुप कोन्छ्योककी थु
चाड्मा ज्युवु ल्हडाड यिन। ती तप्की
कोन्छ्योककी सुडला साड दुक्
सिनी टि वे,

“ड तिवी मिजीला देतिन, तमा
तिवी पर्ला फार छुर कितिन।
तमा ड तिवी कोन्छ्योक यिन,

तिवा ति डे मीतिवा यिन।”*
१७येलुड चोवो कोन्छ्योककी
सुड्गिगी,

“ती तप्की ती दुक्टा कितुप
मीतिवा नेसुर थेन्नी शोक।
तमा तिवा नेसुर कुतुक दे।
मेचेङ्गा वोतुप च्यालकतिवा
काड साड थो मातोड।
तुक क्यासिन ड ख्यिराडला
सेमला लडियन।”*

१८“तमा ड ख्यिरा पपा यिनो,
ख्यिराड ति डे पुज्युडपुमतिवा
यिनो।

सिनी चोछ्ये वोतुप चोवो
कोन्छ्योककी सुड्गिगी।”*

७ तुक क्यानी डे डियङ्ज्येवु
अच्युनुपतिवा, कोन्छ्योककी
दाक्पुला ती ताम्डेतिवा थाक्छ्येन
नङ्गुप तप्की दाक्पी जु ताड सेम
मेचेङ्गा जोप तेरी परकी ताम्डे
मेटेड्बु नेसुर कुतुक देतुप। तमा
कोन्छ्योकला ताड्देन क्यानी वुतुड
के चाड्मा वोतुप मिजी क्योङ्गुप।

पावलकी सेम गा क्यावु

२ख्यिरा डियराडला डियङ्ज्ये
क्यानी सेमला लो। डियरा सुला
साड मेलोवा माक्या वे, तमा सुला
साड दुक्पा माबिन वे। डियरा सी
लो नेसुर साड ख्येप्साड माला वे।

३डे ख्यिराडला क्येन तेरुपला दी ताम्डे सिक्वावु मिन। गोमाला साड डे सिक्वायी, ड्यिरा सेमला ख्यिराड राड वे। ड्यिराड शिसिनाड सेन्बु वोसिनाड ख्यिरा मुला नरी तम्जी लुकिवी। ४ड ख्यिराडला छासे लो तेन्गिवी। ड ख्यिरा थोक्ला छासे तेके कितिन। ख्यिराड नेसुर डला मड टोङ्गु ड्येन वे। डला चो छेटाड ख्येल्लिसनाड सेमला छासे गा लानी वे।

५ड्यिराड माकेडोनियाला लेपुप पेला ड्यिराडला उ तोङ्गुप साड माङ्ग्ये, यिने छो ज्यिकर नेसुर छेटाड ख्येल्लनी लेसुड। तमा पडगी मीतिवी ड्यिराडला नरी थमु ग्यकुप ताड सेमला ति ड्यिराडला ज्यिवा लासुड। ६यिन्सिनाड तीतस ड्यिरा ते वासिमा यिछ्येतुप मीतिवाला टोङ्गु नङ्गुप कोन्छ्योककी ड्यिराडला टोङ्गु नाङ्सुड। ७तीतस वासिमा तिराड मिन, तीकी ख्यिरा नेसुर ड्येतुप टोङ्गुकी कोर्ला लेन खुन वासिमा डला टोङ्गु ड्येसुड। ख्यिरा डला छासे ठेतुप नो क्यावु ताड ख्यिरा गोमाला डला मेलोवा क्यावु यिन सिनी डे थोक्ला पप क्यावु ताड छासे क्यानी डे छ्योला लावु ति तीकी तेरी डला सिक्वासुड। तुक क्यानी डला मड सेमला गा लासुड।

८डे ख्यिराडला यिकी टिन तड्नी ख्यिराडला सेम्दुक लासिनाड तीकी कोर्ला डे लाका मेलोवा क्यायिन सिनी नासाम मोतोड, च्यिलासिसिन

ती यिकीकी चेयी पर सेक तिराड ख्यिराडला सेम ना च्यिनी वे सिरुप ति डला छ्या वे। ९त याड ड गा लावे, ती ति ख्यिराडला पप लानोक सिनी मिन, यिने ती पपकी राड ख्यिराडला सेम ग्युरुप जोवु तप्की यिन। ख्यिरा कोन्छ्योककी नोवा काड यिन सिनी नासाम तड्नी रडगी क्यावु लाकाला पप क्यावु तप्की ड्यिरा नेसुर ख्यिराडला काड साड मेलोवा माच्युङ्सुड। १०च्यिलासिसिन कोन्छ्योकला नासाम तड्नी पप क्यानी सेम ग्युर्सिन दिक्पा ने थर्वा ड्येकिवी। तुक क्यासिन डे लाका मेलोवा क्यायिन सिनी नासाम तोड मोगोवी। यिने जम्बुलिडकी थोक्ला नासाम तड्नी पप कितुप ति शेष ते क्योल्लिगीवी। ११तुक क्यानी ल्हो ताड, कोन्छ्योककी थोक्ला पप क्यासिमा ख्यिराडला काड च्युङ्सुड, ती ति नासाम तोड। ख्यिराड काड लाका क्यासिनाड छासे ड्यम्ले क्यानी किवी, खुरुड क्येन मेटुप च्युङ्गुपला ख्यिराड टेमु किवी, तमा मेटेङ्बुकी थोक्ला चो ड्यिर्मु किवी, काड कितुप चुक कितुप सिनी ज्यिवा किवी, डला ठेतुपला छासे नो किवी, चुका डाडेड नोक, तमा ख्यिरा पर्ला दिक्पा कितुप मीला पचर्या फोकशी सिनी चो नोकिवी। ती तेरी ताम्डे नेसुर ख्यिराड ति दिक्पा मेटुप यिन सिरुप छ्या तेन्सुड। १२तुक क्यानी डे ती यिकी टिवु ति लाका मेलोवा

कितुप मी थोक्ला मिन, याङ्ना मी यम्बी खुरुडला लाका मेलोवा क्यानी सेम्दुक वोतुप मी थोक्ला साड मिन। यिने कोन्छ्योककी थोङ्दाडला डियराडला ख्यिरा चो टेन्दा किनोक सिरुप ति छ्या देन्दुपला टिवु यिन। १३ती तेरी हाक्कोसिमा डियराडला छासे टोङ्गु ड्येसुड।

तोजो तिराड मिन, ख्यिराड तेरीकी तीतसला गासो शुनी तीकी सेमला लोदिमु जोवु तप्की डियराडला मड छासे गा लाङ्सुड। १४तीतस ख्यिरा चाला डोप सिनाड गोमाला डे तीला ख्यिरा थोक्ला छासे तेके क्यायिन। तमा ख्यिरा डला यिछ्येता माजो वे। डियरा ख्यिराडला नरी ताम्डे टेङ्बु लापिन। तुक क्यानी तीतसकी मुला डियरा ख्यिरा थोक्ला तेके क्यावु ति टेङ्बु वोतुप हाक्कोसुड। १५ख्यिराड तेरीकी तीतसकी खला ड्येन्दुप ताड तीला ज्यिवा खुरुप ताड ताङ्देन क्यानी गासो शुरु ति नासाम शर्नी तीतसकी ख्यिराडला मड छासे डियङ्ज्ये क्यासुड। १६तमा डे ख्यिराडला छासे लो तेन्दुप तप्की डला गा लानी वे।

पेराङ्बुतिवाला दाल्जा कितुपकी कोर्ला

अच्युनुपतिवा, माकेडोनिया लुङ्बाला वोतुप चर्चतिवाला कोन्छ्योककी कटिन नङ्गुप कोर्ला डियराड ख्यिराडला सिरिन। ३तिवा

चो खोकपा ल्हाप दुक्पातिवाला ख्येल्सिनाड छासे सेम गा कितुप ताड माङ्शोक मीतिवा पेराङ्बु वोसिनाड दुक्पाला ख्येलुप मीतिवाला सेम्बा सेमगी दाल्जा किते क्यासुड। ३ड ख्यिराडला पङ्बु तेरिन, तिवी खोप्रे तेर थुपुप सिनाड मड ल्हक्पा सेम्बा सेमगी दाल्जा किते क्यासुड। ४तोजो तिराड मिन, यरूशलेमला वोतुप कोन्छ्योककी चाङ्मा वोतुप मीतिवी थोक्ला टङ्गा बुल्वा कल ताङ्नी मुला राड दाल्जा कितुप ड्येशी सिनी तिवी डियराडला गोङ्बा शुसुड। ५तमा तिवी डियरा नासाम तङ्गुप सिनाड मड ल्हक्पा लाका क्यासुड। तिवी गोमाला खोप्रे मिजी ति कोन्छ्योककी थोक्ला पुलसुड, तमा ती ज्युक्ला कोन्छ्योककी नोवाला वोतुप दोके क्यानी डियरा थोक्ला साड खोप्रे मिजी ति चेक तेसुड। ६तुक क्यानी तीतसकी गोमा नेज्युनी सेम्बा सेमगी दाल्जा कितुप लाका ति गो चुवु तप्की ती कटिनकी लाका ति ख्यिरा पर्ला सिन्दा कितुपला दाल्जा किते किशी सिनी डियरा तीला टोङ्गु बिनिन। ७ख्यिरा ती तेरी ताम्डेला मड ल्यामु क्या वे। ख्यिराड तेपा कितुप ताड येन्देन तेरुप ताड रिक्पा वोतुप ताड मी यम्बाला दाल्जा कितुपला ड्यम्ले कितुप ताड डियराडला डियङ्ज्ये कितुपला साड तुक राड क्यानी लाका ल्यामु क्या वे। तुक क्यानी ख्यिरा सेम्बा सेमगी दाल्जा

कितुप लाकाला साड मड ल्यामु
किशी सिरुप ति डियरा नोवा वे।

८ दी ताम्डे ति डे ख्यिराडला क
तेरुपला सिक्वावु मिन। यिने मी यम्बी
सेम्बा सेमगी दाल्जा कितुप लाकाला
चो ड्यम्ले क्यासुड ती ति ख्यिराडला
सिक्वानी ख्यिरा डियड्ज्ये क्यावु ति
टेड्बु यिनोक मिनोक हाक्कोवुला
सिक्वावु यिन। ९ दाक्पी चोवो येशू
ख्रीष्टकी कटिन ति ख्यिराडला छ्या
राड वे। खो छ्युकुपु वे, यिन्सिनाड
ख्यिरा थोक्ला खो पेराड्बु दोके
च्युड्मुड। तीकी तेन्दोक ति खो
पेराड्बु च्युड्गुप नेसुर ख्यिराडला
छ्युकुपु च्युड्शी सिनी यिन।

१० तमा दीकी कोर्ला ड ख्यिराडला
टोड्गु तेरिन। लो खोर्मा यी गोमाला
ख्यिरा सेम्बा सेमगी दाल्जा कितुप
लाका ति गो चुसुड। यिन्सिनाड ती
तेरी मासिन्नी सिन्दा कितुप ति ख्यिरा
नो क्या वे। ११ त याड ख्यिरा नो
क्यावु लाका ति तेरी सिन्दा किसा।
ख्यिरा तेर थुपा सेक बिन्नी ती लाका
क्या सिन्सिमा गोमाला गो जुवु पेला
ख्यिरा मुला वोतुप डियड्ज्ये ति छ्या
तेन। १२ ख्यिराडला तेरुप सेम वोसिन
ख्यिरा लोला चो नोके, ती बिन्दुप ति
कोन्छ्योक गा किवी, यिने ख्यिरा
लोला मेतुप ति खोकी मोछोल्वी।

१३ दी ताम्डे ति ख्यिराडला कले
वुड्शी, तमा यम्बाला ति जोल्हमु

वुड्शी सिनी डे सिक्वावु मिन। यिने
तेरीला च्यिक्पा राड वुड्शी सिनी
सिक्वावु यिन। १४ तसाम ख्यिरा मुला
बडी वोतुप पेला ती नेसुर मेतुपतिवाला
तेरुप ति छासे ल्यामु यिन। तुक
क्यासिन ज्युक्ला तिवाला बडी
वोतुप पेला ख्यिराडला गोवु ति तिवी
दाल्जा किवी। तमा तेरीला च्यिक्पा
राड च्युड्गिगी। १५ कोन्छ्योककी
सुडला साड “बडी रुकुपतिवी मुला
अला बडी मुलुवी, तमा ड्युड्मु
रुकुपतिवाला साड अला ड्युड्मु
मोडोयी।” सिनी टि वे।*

तीतस ताड तीकी दाल्जातिवा कोरिन्थला तड्गुप

१६ कोन्छ्योककी तीतसकी सेमला
डे दोके क्यानी ख्यिरा थोक्ला
लहटे कितुप सेम नाड्मुड। तुक
क्यानी ड खोला थुचिछे बुलिन।
१७ च्यिलासिसिन ख्यिरा ते ग्युक सिनी
डियरा गोड्बा शुवु ताम्डेला तीकी
ड्येन्दुप तिराड मिन, खुरुड साड
छासे गा क्यानी खोरो नोवाकी राड
ख्यिरा ते गलुप यिनो। १८ तीकी मुला
राड नुप मिरा च्यिक साड तोड्यिन
वोतो। ती ति लेन ल्यामु ख्याप्टाक
कितुपला तेरी चर्चतिवी पर्ला छासे
मिड फेलुप मी यिनो। १९ तोजो तिराड
मिन, दुवु बुल्वा खुर्नी यरूशलेमला
डोप पेला डियरा मुला राड युक् डोप

सिनी ती नुप तीला चर्चतिवी पेतुप यिनो। ती बुल्वा खुरुप लाका ति चोवोला मोवा कितुप ताड डियरा यम्बाला दाल्जा कितुप छासे नोवा वोतुप ति छ्या देन्दुपला यिन। ^{२०}मी सेमगी दिड नेज्युनी पुलुप दी बुल्वा ति दुतुप ताड गोतुपला गोमा कितुप कोर्ला डियराडला सी साड क्येन माग्यक्शी सिनी डियराड च्याड्से देनी वे। ^{२१}च्यिलासिसिन डियराड चोवोकी थोड्दाडला तिराड मिन, मी थोड्दाडला साड चुका ति टेड्बु नोके ती राड कितुपला ड्यम्ले किवी।

^{२२}तीतसकी मुला यम्बा नुप मिरा च्यिक साड डियरा ख्यिरा ते तोडियन वोतो। तीला डियरा थेड्मा अलायी सेक तिन्नी ल्हासिमा छासे डर्मा क्यानी दाल्जा कितुप थोड्मुड। तीकी ख्यिराडला छासे लो तेन्दुप तप्की मड डार छ्येवु गल वे। ^{२३}तीतस ति ख्यिरा थोक्ला डे मुला राड लाका कितुप दाल्जा यिन। यम्बा नुपतिवा ति चर्चतिवी शब्ज्यी कितुपला पेतुप मीतिवा यिन। तिवा ख्रीष्टकी थोड्दाडला ताड्देन वोतुप मीतिवा यिन। ^{२४}तुक क्यानी ख्यिरा तिवाला डियड्ज्ये क्यानी पड्बु छ्या तेन। तुक क्यासिन डियरा च्यिला ख्यिरा कोर्ला तेके क्यानोक सिरुप ति चर्चतिवी साड हाक्को थुप्शी।

यरूशलेमकी तेपा कितुपतिवी थोक्ला बुल्वा दुतुप कोर्ला

यरूशलेमला वोतुप तेपा कितुपतिवी थोक्ला दाल्जा किटे क्यावु बुल्वाकी कोर्ला याड ख्यिराडला डे यिकी टिक मोगोवी। ^२च्यिलासिसिन ख्यिराड दाल्जा किटे कितुपला छासे सेम वे सिरुप ति डला छ्या वे। तीकी कोर्ला माकेडोनियाकी तेपा कितुप मीतिवी चिप्ला “ननिडगी लो नेज्युनी ख्यिराड अखैयाकी” मीतिवी बुल्वा तेरुपला टडिक क्या वे।” सिनी डे तेके क्यानी सिक्या वे। ख्यिरा सेमला छासे दाल्जा किटे कितुप नो वोतुप तप्की तिवी पर्ला मी बडीकी सेमला डाडेड ड्येनी वे। ^३यिने नुपतिवाला डे ख्यिरा ते तड्गुप तेन्दोक ति डियरा ख्यिरा थोक्ला तेके क्यावु ति तेर्मेला मोडोशी, तमा डे सिक्यावु दोके ख्यिराड टडिक क्यानी देशी सिनी यिन। ^४दोजो ललाड माकेडोनियाकी तेपा कितुप मीतिवा ड ताड मुला ख्यिरा ते वुड्गुप पेला ख्यिराड बुल्वा दुतुप टडिक मेतुप हाक्कोसिन ख्यिराड डोछाला ख्येल्लितो, डियराड साड डोशी मारेला ख्येल्लितो। च्यिलासिसिन डियरा ख्यिराडला छासे रेवा ग्येर्पु क्या वे। ^५तुक क्यानी ख्यिरा तेर्सा क्यानी थाक्छ्येतुप बुल्वा ति गोमाला

६:२ कोरिन्थ ग्येसा ति अखैया अंचल नाड्ला वे।

के च्योम च्योम कि ज्यितुपला ड सिनाड गोमाला राड ती नुपतिवाला ख्यिरा ते तोङ्गुप ल्यामु यिन सिरुप डला नासाम शार्सुड। तुक क्यासिन ती बुल्वा ति करखापकी दुवु मिन्दाला सेम्बा सेमगी पुलुप बुल्वा च्युङ्गिगी।

मी यम्बाला सेम्बा सेमगी दाल्जा किटे कितुप कोर्ला

६दी ताम्डे ति टोक माज्येता, “सेन चेयी राड देपुप तीकी डुप्सेन साड चेयी राड रुकिवी, यिने सेन बडी देपुप तीकी डुप्सेन साड बडी रुकिवी।”^{*}
७चुका मी तीकी साड खोरो सेम्बा सेमगी बिन। तेरुप सेम मेता क्यानी मिन, याङ्ना करखापला ख्येलनी साड मिन। च्यिलासिसिन सेम गा क्यानी तेरुप तीला कोन्छ्योककी ड्रियङ्ज्ये किवी।^६कोन्छ्योककी ख्यिराडला तेरी मोलाम ति छासे क्यानी नङ्गिगी। तुक क्यानी ख्यिराडला तेरी गोवु च्यालकतिवा छासे क्यानी च्युङ्नी गोवु सिनाड मड छाछिडी डिवी, तमा ख्यिरा मी यम्बाला ल्यामु कितुपला तेर थुष्किवी।^६ती तप्की कोन्छ्योककी सुडला साड दुक सिनी टि वे,

“सी पेराङ्बु वोतुपतिवाला
तेर्किवे,

तीकी क्यावु च्यम्बा ति मीतिवी
नरीकी नरी टेन्गिवी।”^{*}

१०देपुपतिवाला सेन ताड सापला समा नङ्गुप कोन्छ्योककी ख्यिराडला गोवु तेरी सेन नङ्गिगी, तमा तीला फेल ज्यिकिगी। तुक क्यासिन ख्यिरा मीतिवाला मड दाल्जा किटे कि थुष्किगी।^{*} ११तमा कोन्छ्योककी ख्यिराडला काड क्यासिनाड तेरी ताम्डेला मोलाम नङ्गिगी, तुक क्यासिन ख्यिरा नरी सेम्बा सेमगी बुल्वा तेर थुष्किगी। तमा दाक्पी ती बुल्वा ति गोवु मीतिवाला तेरुप पेला तिगी कोन्छ्योकला थुचिछे बुल्गिगी।^{१२}ती ख्यिरा बिन्दुप बुल्वा तीकी यरूशलेमला वोतुप कोन्छ्योककी पुज्युडपुमतिगी कतुकार क्योङ्गिगी। तोजो तिराड मिन, तिवा बडीकी कोन्छ्योकला मड थुचिछे बुल्गिगी।^{१३}ख्यिरा तिगी थोक्ला बुल्वा बिन्नी ख्रीष्टकी लेन ल्यामुला वोतुप सुडला युसुड, तमा ख्यिरा सेम पेनी कोन्छ्योकला तेपा कितुप मीतिवा ताड मी बडीकी थोक्ला दाल्जा किटे क्यानी पङ्बु छ्या तेन्दुप तप्की मीतिगी कोन्छ्योकला मोवा किगी।^{१४}तन्दा कोन्छ्योककी ख्यिराडला छासे कटिन नङ्गुप तप्की तिगी ख्यिराडला ड्रियङ्ज्ये क्यानी ख्यिरा थोक्ला मोपोर किगी।^{१५}कोन्छ्योककी नङ्गुप ग्यक्चेकी ड्येम्बाकी थोक्ला खोला थुचिछे।

पावलकी खुरुड लोमा छ्ये यिन सिक्यावु

१० ड ख्यिरा चिप्ला वोतुप पेला ज्यिवा क्यानी ताम्डे कि मुथुपी, यिने थाक्किड्बु वोतुप पेला ति ख्यिरा थोक्ला डाडेड क्यानी ताम्डे किवी सिनी ख्यिरा डला सिवी। ड पावल ति ख्रीष्टकी दोके कुसु ज्यम्बु ताड च्यम्बा क्यानी ख्यिराडला ठाकुरे सिरिन। २ड ख्यिरा ते वुङ्गुप पेला ड्यिराड ति जम्बुलिडकी मीतिवी दोके किताड नालु किनोक सिनी सिरुप मीतिवाला छासे डाडेड क्यानी ताम्डे किवी। ती पेला ख्यिराडला साड तिवाला दोके क्यानी डाडेड क्यानी सि मोगोशिता। ३ड्यिराड दी जम्बुलिडला देकिवी, यिने जम्बुलिडकी मीतिवी दोके खोरो तेन्दोकला लङ्गुप मीतिवी मुला थमु मग्यकिवी। ४ड्यिरा थमु ग्यकुप लक्च्येतिवा ति दी जम्बुलिडकी दोके मिन, यिने कोन्छ्योककी डार यिन। तीकी कोन्छ्योककी तेन्दोकला लङ्गुप दुक्टाकी ओङ्ज्येनतिवा तेरी ना तोङ्गिगी, तमा तेन्दोक मेतुप खाँदा लोङ्गुप ताम्डेतिवा साड ना तोङ्गिगी। ५तमा ड्यिराड कोन्छ्योककी रिक्पाकी तेन्दोकला लङ्गुप ड राड यिन सिरुप ताम्डेतिवा तेरी ना तोङ्गिगी। तमा ती तेरी नोवातिवाला खोकी ओडला ज्याक्नी ख्रीष्टकी कला ड्येन्दुप जेवी। ६ख्यिरा

ख्रीष्टकी कतिवा तेरी ड्येन्दुप छे सिन्सिमा खोकी कला मेड्येन्दुपतिवा तेरीला ड्यिराड ठिम कितुपला टडिक क्यानी देतिनो।

७ख्यिराड मीला ल्हाप पेला फिला तिराड ल्हेवी। दोजो ललाइकी ड ख्रीष्टकी मी यिन सिवी सिंसिन, तीकी ख्रीष्टकी मी यिन्दुप दोके ड्यिराड साड ख्रीष्टकी मी राड यिन सिनी नासाम तोङ्गिगी। ८च्यिलासिसिन चोवो येशूकी ड्यिराडला चो ओङ्ज्येन नड वे, तीकी कोर्ला डे ल्हक्पा तेके क्यासिनाड ड तीकी थोक्ला डोछा मिकी। ती ओङ्ज्येन ति ख्यिराडला ना तोङ्गुपला मिन, ख्यिरा तेपा रम्बु जोपला नङ्गुप यिन। ९डे ख्यिराडला टिनी तङ्गुप दी यिकीतिवा ति ख्यिराडला ज्यिवा कुतुपला टिवु यिन सिनी नो माकी। १०मी ललाइकी याड ड्यिराडला “ख्यिराड यिकीतिवा टिकुप पेला ति च्युरुवु ताड छासे रम्बु किवी, यिने ड्यिरा चिप्ला वोतुप पेला ति रम्बु मेतुप ताड तेन्दोक मेतुप ताम्डे तिराड किवी।” सिनी सिवी। ११तुक सिरुप मीतिवी दी ताम्डे ति हाक्कोशी। ड्यिराड ख्यिरा मुला मेतुप पेला दी यिकी नाड्ला काड सिक्यावे, ड्यिराड ख्यिरा मुला वोतुप पेला काड क्यावे, ती ति च्यिक्पा राड यिन।

१२ड्यिराड खुरुड तिराड डाराड यिन सिनी नासाम तोङ्गुप ललाइ मीतिवी मुला च्यिक्पा राड च्युङ्गुप ताड तिवी मुला डिकनी माल्हावी।

तिवा खोप्पे नासामला तिराड मी यम्बाला ठिम कितुप ताड मी यम्बाला डिक्नी ल्हेवी सिसिन, तिवा छासे अम्बारडिशड च्युडिगवी। १३यिने डियराड याड डियरा सि गोवु ताम्डेला मिसिन पडगी ताम्डेला तेके मिकिवी। कोन्छ्योककी डियराडला चो सेक ओड्ज्येन नड वे, ती ताम्डेला तिराड तेके किवी। डियरा ख्यिराडला कोन्छ्योककी सुड ख्याप्टाक क्यावु लाका साड ती ओड्ज्येनला राड क्यावु यिन। १४डियराड ख्यिरा ते वुड्गुप ति ती ओड्ज्येनला वोतुप दोके यिन, डियरा राड तेके क्यावु ति मिन। च्यिलासिसिन ख्रीष्टकी लेन ल्यामु ख्याप्टाक कितुपला गोमाला ख्यिरा ते वुड्गुप ति डियराड राड यिन। १५डियराड ती ओड्ज्येनला वोतुप सिनाड ताम्डे ल्हक्पा जोनी मी यम्बी क्यावु लाकाला तेके मिकी, यिने ख्यिराड मड मड तेपा कियी गल्नी डियरा कोन्छ्योककी सुड ख्याप्टाक कितुप लाका साड ख्यिरा नाड्ला मड ल्हक्पा फर्नी डिवी सिरुप ति डियरा रेवा यिन। १६तुक क्यानी डियराड फर्नी गल्नी सी साड कोन्छ्योककी सुड ख्याप्टाक माक्यावु दासा यम्बातिवाला गल्नी सुड ख्याप्टाक किवी। डियराड मी यम्बी क्यावु लाकाला तेके कितुप गा मालडिगवी। १७कोन्छ्योककी सुडला दुक सिनी टि

वे, “तेके कितुपतिवा कोन्छ्योककी कोर्ला राड तेके किशी।”* १८सी साड खुरुड ति डराड यिन सिनी छ्ये मोडोवी, यिने चोवोकी ल्यामु यिन सिनी चिवु मी तिराड मी ल्यामु च्युडिगवी।

येन्देन मेटेड्बु लोपुप लोमा छ्येतिवी कोर्ला

११ डे चे चेयी ताम्डे अम्बारडिशड क्यासिनाड ख्यिराड हम क्यानी दे सिरुप ति डला रेवा वे। ड येलुड सिरिन, ख्यिराड हम क्यानी दे। २ड ति कोन्छ्योककी ख्यिराडला पप क्यावु दोके ख्यिरा थोक्ला छासे पप क्यानी ल्हटे किवी। च्यिलासिसिन डे ख्यिराडला ख्रीष्टकी मुला जेन्दी कितुपला पुम्पेजा चाड्मा दोके लड्गुप यिनो। तमा ख्रीष्ट ति च्यिक राड वोतुप ख्यिरा ख्योवा यिन। ३यिने शैतानकी रुल नेसुर जिनोक जोनी हव्वाला क्येन बिन्दुप दोके ख्यिरा सेम ति ख्रीष्टला वोतुप टेड्बु ताड खोकी थोक्ला सेम च्यिक राड जोनी तेन्तेन कितुप नेसुर कुतुक डिंते सिनी डला ज्यिवा लान वे। ४च्यिलासिसिन मी ललाइ वानी डियरा ख्याप्टाक क्यावु येशू सिनाड यम्बा येशूकी कोर्ला ख्याप्टाक क्यासुड सिसिन, याड्ना ख्यिराडला थोपुप कोन्छ्योककी थु चाड्मा सिनाड यम्बा थुकी कोर्ला

ख्याप्टाक क्यासुड सिमिन, याङ्ना ख्यिरा सेमला लावु सिनाड यम्बा लेन ल्यामुकी कोर्ला ख्याप्टाक क्यासुड सिमिन ख्यिराड तिवी ताम्डेला जोल्हमु क्यानी सेमला लङ्गिगी। ५ती मीतिवा खोप्राड ति चोछ्येवु लोमा छ्ये यिन सिनी सिवी, यिने ड ति चेयी साड ती मीतिवा सिनाड छ्युडा मे। ६ड ति ताम्डे लपुपला खामु मे सिनी सिवी, यिने डे मुला कोन्छ्योककी रिक्पा ड्युडमु मे। दी ताम्डे ति ड्यिरा ख्यिराडला तेरी ल्यामो क्यानी हाक्को च्यिन वे।

७कोन्छ्योककी नङ्गुप सुड ति डे ख्यिराडला काड साड मालानी तुक राड ख्याप्टाक क्यासिमा ख्यिराडला छ्ये जोपला ड ति मो पापिन। काड डे तुक क्यावु ति मेलोवा यिन रो? ८ख्यिरा थोक्ला लेन ल्यामु ख्याप्टाक कितुपला यम्बा चर्चतिवी टङ्गा डोसुम तङ्नी दाल्जा क्यासुड। तुक क्यावु ति ख्यिराडला दाल्जा कितुपला तिवी नेसुर टङ्गा ठोवु दोके यिन। ९ख्यिरा मुला वोतुप पेला डला टङ्गी कतुकार ख्येल्सुड, यिन्सिनाड डे ख्यिराड सुला साड कले मालाड। च्यिलासिसिन माकेडोनिया नेसुर वावु तेपा कितुप अच्युनुपतिवी राड ती डे कतुकारला दाल्जा किटे क्यासुड। ती तप्की डे चुका पर यी क्यासिनाड ख्यिराडला कले मेख्येल्शी सिनी हम क्या देतिन। ज्युक्ला सेक साड ड तुक राड कितिन। १०स्त्रीष्टकी टेङ्बु ति डे मिजीला वोता

सेक अखैयाकी लुङ्बाला सी साड डे तेके क्यावु ताम्डे ति ग्येक मुथुपी। ११तुक सिक्पावु ति डे ख्यिराडला ड्यिङ्ज्ये माक्यावु तप्की यिन रो? ड ख्यिराडला ड्यिङ्ज्ये कितिन। ती ति कोन्छ्योकला तेरी छ्या वे।

१२ड डे क्यावु लाका ति नरी क्या क्यावा देतिन। तुक क्यासिन खोप्राड राड चोछ्येवु लोमा छ्ये दोके जोनी युक्प मीतिवी खोप्राड साड ड्यिराड दोके यिन सिरुप च्यु मेङ्ग्येवी। १३तुका मीतिवा ति लोमा छ्ये जुमा यिन। तिवी येन्देन मेटेङ्बु लोपुप लाका किवी। तिवी ति स्त्रीष्टकी लोमा छ्ये दोके जोनी युक्प। १४यिने दी ताम्डे ति हलेवु ताम्डे मिन, च्यिलासिसिन शैतान साड वोसिरला वोतुप देवाच्येनकी मीतिवा दोके जोनी युक्प। १५शैतान तिराड मिन, शैतानला शब्ज्यी कितुपतिवी साड कोन्छ्योककी थोङ्दाडला टेङ्बु वोतुप दोके जोनी युक्प। तुक क्यानी दी ताम्डे ति यम्जेन लङ्गुप ताम्डे मिन। यिने ज्युक्ला तिवी काड क्यावे, ती छ्येर्पा ति तिवी खुर गोकिवी।

पावलकी खोरो छेटाड खुरुप कोर्ला तेके क्यावु

१६ड येल्ड सिरिन, सी साड डला अम्बारङ्गिशड यिन सिनी नो मिक्शि। यिने ख्यिरा सेमला तुके राड नोकिवी सिमिन ख्यिरा ड ति अम्बारङ्गिशड राड यिन सिनी सेमला लो। तुक क्यासिन ड

ति अम्बारडिशड वोतुप दोके क्यानी चेयी तेके कि थुप्किवी। १७दी डे तेके क्यावु ति चोवो येशूकी ओड्ज्येन नेमा क्यावु मिन, यिने डरा राड अम्बारडिशड दोके क्यानी सिक्यावु यिन। १८मी बडीकी जम्बुलिडला क्यावु लाकाकी थोकला डराड यिन सिक्यावु दोके ड साड डराड यिन सिनी सिरिन। १९ख्यिराड रिक्पा वोतुप तप्की अम्बारडिशड वोतुप मीतिवी सिक्यावु ताम्डेला साड गा क्यानी हम क्या देकिवी। २०ख्यिराडला मी ललाइकी योक्पु जोसिनाड, याड्ना टुकतेर क्यानी सोसिनाड, याड्ना ख्यिराड नेसुर ख्येप्साड लासिनाड, याड्ना ख्यिराडला दप्शे ग्यप्सिनाड, याड्ना डम्बाला राड पोप्सिनाड ख्यिराड हम क्यानी देकिवी। २१ड डोछा लासिनाड ती ताम्डे किवी, ड्यिरा याड तिवी दोके काड साड कि मुथुपी।

यिने मी ललाइकी तेके किवी सिंसिन, ड साड तेके राड कितिन। डला ती तेके कितुप ति अम्बारडिशड यिन सिनी छ्या वे। २२तिवा हिब्रू यिन सिंसिन ड साड हिब्रू यिन। तिवा इस्राएलकी मीतिवा यिन्सिन ड साड इस्राएलकी मी यिन। तिवा अब्राहामकी गिपा यिन्सिन ड साड अब्राहामकी गिपा राड यिन। २३काड तिवा ख्रीष्टकी थोकला शब्ज्यी कितुप मी यिन रो? ड ड्येन्बु दोके ताम्डे किवी, ड याड मड ख्रीष्टकी थोकला शब्ज्यी

कितुप मी यिन। डे छासे हुर्ताक क्यायी, ड चोन्खाडला साड थेड्मा अलायी शोरुप यिन, तलज्येक साड बडी ग्यप्सुड, थेड्मा बडी शेप ते ख्येल्सुड। २४यहूदीतिवी लक नेसुर डे तलज्येक खल्लियक ताड च्युर्कु ति थेड्मा ड सेक सोयी। २५थेड्मा सुम डला लकाम थ्वोनी पोप्सुड, थेड्मा यी दो थ्वोनी पोप्सुड, थेड्मा सुम याड ड शेन्दुप टु साड शिक्सुड, तमा ड्यिमा च्यिक ताड नुप च्यिक याड ग्येम्छो नाड्ला राड यर्मिन मर्मिन गल्नी देतिन। २६ड नरी फार छुर युक्पु पेला चड्बु ग्यावु दासाला साड ख्येल्सुड, च्याक्पातिवी लकला साड ख्येल्सुड, रडगी गिपाकी मीतिवा ताड मिरिक यम्बाकी मीतिवी लकला साड ख्येल्सुड, ग्येसातिवा ताड दासा पाड्थेरीला वोतुप दुक्पाला साड ख्येल्सुड, तमा ग्येम्छो नाड्ला साड ख्येल्सुड, तेपा टेड्बु मिकिवुतिवी लकला साड ख्येल्सुड। २७ड याड लाका छाकुल ताड लाका कलेला साड ख्येल्सुड, थेड्मा अलायी ड्यिलोकुप साड माड्येसुड, ल्होवा कोम्बा लड्गुप ताड साप समा माड्येसुड, ख्योवा ताड पेरुड्बा साड देतिन। २८तोजो तिराड मिन, डला याड तेरी चर्चतिवी थोकला साड नरी पप लानी सेमला सेम्दुक लड्गिगी। २९ललाइ डार मेतुप वोसिन ड साड डार मेतुप च्युड्सुड, ललाइकी मी यम्बाला दिक्पा कि च्यिसिन डे सेमला छासे पप लासुड।

३० डे तेके राड कि गोसिन डला डार
 मेतुपकी थोक्ला राड तेके किवी।
 ३१ चोवो येशूकी पपा कोन्छ्योकला
 नरीकी नरी सोवा वुङ्शी। डे नाम्साड
 जिनोक मोजोयी सिरुप ति खोला
 छ्या वे। ३२ दमस्कसला वोतुप
 अरितस ग्येल्वी ओडला लाका
 कितुप ती ग्येसाकी मी छ्ये तीकी
 डला जिम्बुपला ती ग्येसाकी गोला
 ज्हेन्दुप मी ज्याक्नोक। ३३ यिन्सिनाड
 ते वोतुप दाल्जातिवी डला दोकरकी
 करुड नेमा तोलुम नाड्ला ज्याक्नी
 मर पापुप तप्की ड ति तिवी लक नेसुर
 टो थुप्सुड।

पावलला ज्यल्का थोपुप

१२ डे तेके क्यावु ताम्डे ति
 ख्येप्साड मेसिनाड, डला
 चोवो नेमा थोपुप ज्यल्का ताड खोकी
 हाक्को च्यितुप ताम्डेकी कोर्ला ड
 सिरिन। २ येशू ख्रीष्टला तेपा कितुप मी
 मिरा च्यिकला डे डो शेकिवी। ती ति
 लो च्युप्ज्यी गोमाला तेरी सिनाड येर
 देवाच्येन सेक तेक्नी गाल्सुड। यिने
 ती ति जु ताड डेके तेक्नी गलुप यिन्दे
 की, जु मता क्यानी गलुप यिन्दे डला
 छ्या मे। कोन्छ्योकला तिराड छ्या
 वे। ३ ड येल्डुड सिरिन, ती मीला डे डो
 शेकिवी। यिने ती ति वुतुड के यिन्दे
 की, ज्यल्का यिन्दे डला छ्या मे।
 कोन्छ्योकला तिराड छ्या वे। ४ ती
 मी ति कोन्छ्योककी ग्येल्खापकी
 दुम्डोकला तेक्नी गल्सिमा तीकी सि

मुथुपु ताम्डेतिवा थोनोक, ती ताम्डे
 ति मी ख नेमा सिरुप साड मेवी। ५ ड
 ती मी तीकी कोर्ला तेके क्यानी सि
 थुप्किवी, यिने डरा थोक्ला ति डार
 मेतुप कोर्ला मिसिन ज्येन ताम्डेला
 तेके मिकी। ६ डे तेके क्यासिनाड ड
 ति अम्बारडिशड कितुप मी दोके
 मोडोवी, च्यिलासिसिन ड ति टेडुबु
 वोतुप ताम्डे तिराड सिरिन। यिने
 मीतिवी डे कोर्ला थोडुगुप याड्ना थोवु
 सिनाड ल्हक्पा ति सी साड नासाम
 मोतोङ्शी सिनी ड तेके मिकी।

७ यिने डे छासे हलेवु ताम्डे थोडुसुड
 सिनी डराड यिन सिरुप नेसुर ग्येकुपला
 कोन्छ्योककी डे जुला छेर्माड सुकुप
 दोके छेटाडला ख्येल च्यिसुड। ती
 छेटाड ति शैतानकी लेन क्योलुप
 तीकी ख्येल च्यितुप यिन। तीकी डला
 छासे सुक कि च्यिनी डराड यिन
 सिरुप नेसुर क्येक्सुड। ८ ती छेटाड ति
 डे जु नेसुर दोनी नाड सिनी चोवोला
 डे थेड्मा सुम सेक गोड्बा शुयी।
 ९ यिने चोवोकी डला दुक सुड्सुड,
 “डे कटिन ति ख्युरुडला गोवु सिनाड
 मड ल्हक्पा वे। च्यिलासिसिन डे डार
 ति डार मेतुपतिवी खला राड तेरी
 छेकिवी।” तुक क्यानी ख्रीष्टकी ओड
 ति डे मिजीला लुशी सिनी ड छासे
 गा क्यानी डार मेतुपकी थोक्ला तेके
 किवी। १० तुक क्यानी ड ति ख्रीष्टकी
 थोक्ला डार मेतुप पेला ताड मी मारे
 तोङ्गुप पेला ताड कलेला ख्येलुप
 पेला ताड छेटाडला ख्येलुप पेला ताड

दुडलला ख्येलुप पेला लोदिमु क्यानी दे थुप्किवी। च्यिलासिसिन ड डार मेतुप पेला डार छ्येवु च्युड वे।

कोरिन्थकी मीतिवी थोक्ला पावलकी पप क्यावु

११ ख्यिरा राड डला कार क्यानी तुका अम्बारडिशड कितुप जोवु यिन। ख्यिरा डला ताड्देन कि गोवु ति यिन्जा, च्यिलासिसिन ड ति काड मिन्सिनाड खोप्राड ति चोछ्येवु लोमा छ्ये यिन सिरुप मीतिवा सिनाड चेयी साड छ्युडा मे। १२ ड वुतुड के लोमा छ्ये यिन सिरुप ति छ्या देन्दुपला ख्यिरा पर्ला छासे डेकला देनी हलेवु ततिवा ताड हलेवु लाकातिवा ताड डार छ्येवु लाकातिवा क्यावु यिन। १३ ख्यिराडला डे थोक्ला डोसुम नाड सिनी ताम्डे माक्यावु ति मिसिन डे यम्बा चर्चकी मीतिवाला सिनाड ख्यिराडला काड मेलोकपा क्यासुड रो? तुकै यिन्सिन तीकी कोर्ला डे ख्यिराडला माफ लोड गोकिवी।

१४ त येलुड ड थेड्मा सुमला ख्यिरा ते वुड्गुप सिनी टडिक क्यान वे। ड वासिनाड ख्यिराडला ति कले ख्येल मिज्यी। च्यिलासिसिन ड ख्यिरा ते वावु ति ख्यिरा टोड्बा थोपुपला वावु मिन, ख्यिरा थोक्ला वावु यिन। पपाआमी थोक्ला पुज्युडपुमतिवी टोड्बा मोशोम्बी, यिने पुज्युडपुमतिवी थोक्ला के पपाआमी टोड्बा शोम गोकिवी। १५ ड ख्यिरा थोक्ला छासे

गा क्यानी डे मुला वोतुप तेरी डोसुम तोड्गुप ताड डे मिजी साड तेरिन। डे ख्यिराडला तुका मड्मु ड्यिड्ज्ये क्यासिनाड ख्यिरा डला ड्यिड्ज्ये मिकिवी? १६ डे ख्यिराडला कले ख्येल माच्यिवु ति ख्यिराडला साड छ्या वे। यिने ललाइ मीतिवी ड ति छासे च्यड्बु वे, तमा डे ख्यिराडला जिनोक जोनी लुकितो सिनी सिवी। १७ काड डे ख्यिरा ते तड्गुप मीतिवी पर्ला ललाइ मीतिवी ख्यिरा लो नेसुर ख्येप्साड तेन्सुड रो? १८ तीतसला ख्यिरा ते ग्युक सिनी डे सिक्यायी। तमा तीकी मुला यम्बा नुपला साड तड्यिन। काड तीतसकी ख्यिरा लो नेसुर काड रे च्यिक रे ख्येप्साड लासुड रो? ड ताड तीकी सेम च्यिकपा राड च्युड्नी मुला राड लाका क्यावु मिन रो?

१९ काड ख्यिरा ड्यिराडला ति खुरुड ज्होकुपला तिराड दी ताम्डे सिक्यावु यिन्दे सिनी नोकिवी? मिन, ड्यिराड येशू ख्रीष्टला तेपा क्यावु मी दोके च्युड्नी कोन्छ्योककी थोड्दाडला दी ताम्डे सिरिन। डे ड्यिड्ज्येवु अच्युनुपतिवा, दी तेरी ताम्डेतिवा ख्यिराडला तेपा रम्बु जोपला ड्यिरा सिक्यावु यिन। २० ड ख्यिरा ते वुड्गुप पेला ख्यिराड डे नोवाला वोतुप दोके ठेकिताड मेठेताड, ड साड ख्यिरा नोवाला वोतुप दोके ठेकिताड मेठेताड सिनी डला ज्यिवा लानी वे। तमा ख्यिरा पर्ला खाँदा कितुप ताड ठतोक कितुप ताड ड्यिर्मु कितुप ताड

रडगी थोक्ला तिराड नासाम तोङ्गुप ताड मी यम्बाला ताम्डे मेलोवा कितुप ताड मीला मेतुप ताड छ्येजु कितुप ताड खुरुड राड सेम नोजु क्यानी युकुप गल वे सिनी डला छासे ज्यिवा लानी वे।^{२१} ड ये लुड ख्यिरा ते वुङ्गुप पेला कोन्छ्योककी ख्यिरा दोङ्गुला डला मो बेष्किते यिन्दे सिनी डला ज्यिवा लानी वे। तमा गोमाला लाका मेटेड्बु क्यावु ताड शम्डेन कितुप ताड डोछा लङ्गुप लाका क्यानी दिक्पा कितुप नेसुर सेम मुग्युरुपतिवा बडीकी थोक्ला डला छासे पप लानी वे।

पावलकी बिन्दुप तिङ्मी टोङ्गु

१३ थेङ्मा सुमला ड ख्यिरा ते वुडियनो। नासाम तोडा, कोन्छ्योककी सुडला सुङ्गुप दोके “ख्यिरा पर्ला वोतुप चुका क्याने वोसिनाड मिरा ड्यी सुम पङ्बु ज्याक्नी तिराड तेन्तेन कि गोकितो।”^१
^२थेङ्मा ड्यीला ड ख्यिरा मुला वोतुप पेला ख्यिराडला टोङ्गु बिन्दुप दोके ड ख्यिरा पर्ला मेसिनाड ख्यिराडला ये लुड छासे क्यानी टोङ्गु तेरिन, ड वुङ्गुप पेला गोमाला दोके दिक्पा कितुपतिवा ताड यम्बा सुला साड क्यानी मोज्योक।
^३च्यिलासिसिन ख्रीष्ट डे मिजी नेमा ताम्डे किवी सिरुप पङ्बु ति ख्यिरा छोलितो। खोकी ख्यिरा पर्ला ठिम क्या नङ्गुप पेला खो डार मेतुप मिन, डार

छ्येवु वोतुप ति हाक्कोकिवी।^४खो वुतुड के जुला वोतुप पेला डार मेतुप च्युङ्गी ग्यडिशड लोला कल्नी सेसुड। यिन्सिनाड कोन्छ्योककी ओडला खो डोसु राड ज्यु वे। ती दोके डियराड साड खो ताड मुला वोतुप तप्की डार मेतुप वे, यिने खो शेष ने डोसु लङ्गुप दोके डियराड कोन्छ्योककी ओड नेसुर ख्रीष्टकी मुला मिजी क्याङ्गी ख्यिराडला ठिम किवी।

^५ख्यिराड तेपा रम्बु वोताड मे ख्यिरा राड नासाम तोड, तमा ल्यामो क्यानी ल्हो। तमा ख्रीष्ट ख्यिरा मिजीला ज्यु वोताड मे सिरुप ति हाक्कोकिवी। ख्रीष्ट ख्यिरा मिजीला मेसुड सिसिन ख्यिरा तेपा क्यावु ति काड साड फेन मोथोवु डिवी।
^६वुतुड के डियराड ति फेन मोथोवु मागल वे सिरुप ति ख्यिरा हाक्कोशी सिनी डला रेवा वे।
^७ख्यिराड काड साड लाका मेलोवतिवा मिकिशी सिनी डियराड कोन्छ्योकला मोपोर किवी। डियरा मोपोर क्यावु ति डियराड ल्यामु वोतुप छ्या देन्दुपला मिन, यिने डियराड फेन मोथोवु दोके थोडिसनाड ख्यिराड लाका टेड्बु कि थुष्शी सिनी डियराड मोपोर किवी।
^८डियराड टेड्बुकी तेन्दोकला लानी काड साड कि मुथुपी, यिने टेड्बुकी थोक्ला तिराड लाका कि थुष्किवी।
^९डियराड डार मेतुप वोसिनाड

स्त्रियराड ति रम्बु वोतुप पेला डियराड
छासे गा लडिगवी। स्त्रियराड तेरी येके
गल्नी ल्यामु च्युङ्शी सिनी डियराड
मोपोर किवी। १० स्त्रियरा मु नेसुर ड
थाकिरड्बु वोतुप तप्की दी यिकी
टिकिन वोतो। दीकी तेन्दोक ति ड
स्त्रियरा ते वुङ्गुप पेला चोवोकी डला
नङ्गुप ओङ्ज्येन नेसुर डे स्त्रियराडला
च्युरुवु कि मोगोशिता। ती ओङ्ज्येन
ति स्त्रियराडला ना तोङ्गुपला मिन,
तेपा रम्बु जोपला यिन।

पावलकी बिन्दुप तिङ्मी मोलाम

११ लो तमा, अच्युनुपतिवा, त याड
ड दोजोयी राड टिकिनो। स्त्रियराड

येके गल्नी ल्यामु च्युङ्शिता। डे
सिक्यावु तामडेला ल्यामु क्यानी
ड्येना। मी यम्बी मुला सेम च्यिक्पा
राड च्युङ्नी लोदिमु क्यानी देता।
दाक्पुला डियङ्ज्ये ताड लोदिमु
नङ्गुप कोन्छ्योक ति स्त्रियरा मुला
ज्युकितो। १२ च्यिककी च्यिकला
डियङ्ज्ये ताड मुला टसी देलेक
सिसा। १३ कोन्छ्योकला तेपा कितुप
तेरी अच्युनुपतिवी स्त्रियराडला टसी
देलेक सिनी तड वोतो। १४ चोवो येशू
स्त्रीष्टकी कटिन ताड कोन्छ्योककी
डियङ्ज्ये ताड खोकी थु चाङ्माकी
डिक्जोम ति स्त्रियराड तेरीकी मुला
नरी लुशिता।

